



15. maj 2017

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit meeqqat atuarfianni ineriartorneq pillugu:**

**1. Meeqqat atuarfiani atuartut 2010-mi, 2011-mi, 2012-mi, 2013-mi, 2014-mi, 2015-mi aamma 2016-mi naammassisut qassit procentii ullumikkut inuusuttut ilinniarfiinut, inuussutissarsiutinut ilinniarfinnut ingerlaqqinnikuuppat, sulippat aamma pisortat ikiorsiissutaannik pisartagaqarpat? Akissutit paasiuminartumik ilusileqquneqarput tabellitalerlugit sukaasalersorlugillu, assersuukkuminarniassammata.**

**2. Atuartut apeqqummi 1-mi taaneqartuni ukiuni atuarunnaartut inuusuttut ilinniarfiinut imaluunniit inuussutissarsiutinut ilinniarfinnut toqqaannartumik ingerlaqqippat meqqat atuarfiata naammassinerata kingorna? Akissutit paasiuminartumik ilusileqquneqarput tabellitalerlugit sukaasalersorlugillu, assersuukkuminarniassammata.**

**3. Meeqqat atuarfiani naggataarutaasumik soraarummeernermi fagini Kalaallisut, tuluttut, matematik danskisullu agguaqatigiisillugu karakteri qanoq annertutigiva apeqqummi 1-mi taaneqartuni ukiuni atuarunnaartut akornanni? Akissutit sapinngisamik illoqarfinnut nunaqarfinnullu ataasiakkaanut agguaquneqarput aamma akissutit paasiuminartumik ilusileqquneqarput tabellitalerlugit sukaasalersorlugillu, assersuukkuminarniassammata.**

**4. Naalackersuisunut apeqqutinut 1-3-mut akissutit tunngavigalugit isummerfigeqquneqarpoq suut pissutaanersut pitsanngoriaatinut/ajorseriaatinut akissutini takuneqarsinnaasunut aamma tamatuma kingorna oqaatigeqquneqarpoq suut iliuuserineqartariaqassanersut pitsanngoriaatsit pissappata, apeqqutit taakkorpiaat ukiut tallimat apeqqutigeqqikkukkit.**

(Inatsisartunut ilaasortaq Nivi Olsen, Demokraatit)

**Tunngavilersuut:**

Ilinniaqqinnissamut tunngavissaq meeqqat atuarfiani tunngavilerneqartarpoq. Taamaattumik pingaartupilorujussuuvoq meeqqat atuarfiata oqallisigiurnissaa pitsanngorsarnissaalu. Allatut ajornartumik meqqat atuarfiani inernerit takutissinnaasai isummersorfigisariaqarpagut aamma paasisariaqarparput suut iluatsittarnerlugit aamma suut pitsaanerusumik suliarisariaqarnerlugit.

Apeqquteqarninni siunertaraara maannakkorpiaq inissisimanerup ersersinnissaa, tamatta suleqatigiilluta paasiniassagatsigu, sumi suliniuteqassanerluta siunertaralugu meerartatta



DEMOKRAATIT  
DEMOKRATERNE

ingerlaavartumik pitsaanerpaamik atuartinneqarnissaat aamma ilinniaqqinniarlutik  
ingerlaqqinnissaminni pitsaanerpaamik tunngavissaqarnissaat anguniarlugu.

Apeqqutit akeqqakka ullut suliffiit nalignnaasut qulit iluanni.